

太上玄門功課經序

竊以金書玉笈爲入道之門牆，諷經誦咒乃修仙之徑路。得入道之門可以復元始之性，獲修仙之路，得以曉自然之心。是故道者，住叢林焚香火，三千日裏勤功，十二時中無怠，朝夕朝禮聖容，當輸自己之誠，殷勤祝釐國祚，必獲升仙之慶。且夫功課者何爲者也？功課者，課功也，課自己之功，修自身之道也。修自身之道者，賴先聖之典也，誦上聖之金書玉誥，明自己之本性真心，非科教不飭弘揚大道，非課誦無以保養元和。經之爲經，是前聖之心宗，咒之爲咒乃古仙之妙法。誦之誠者則經明，行之篤者則法驗，經明則道契于內，法驗則術彰于外，經明法驗兩全，內功外行而俱有，此是住叢林者之規範，升仙者之梯磴。非叢林無以陶熔大衆之德性，非梯磴何以希求出世之真仙？若肯誠心修道，二六時中刻刻提撕，時時檢點，在世端能出世，居塵自可離塵回。出是非之門，直達無爲之路，逍遙宇宙，出入虛無，自由自在，無滅無生，方寸不立一塵，妙用直超三際。若此者，了自心一念之誠，出世上三途之苦，履長生之道路，脫苦海之迷津。既無前愆之可懺，亦無后過之可悔，無前愆之可懺者，心正也，無后過之可悔者，意誠也，心正則無惡業，意誠那有災殃，無惡業則立到天堂，無災殃則出離地獄，功高宇宙，德契虛皇，禳災而災消，祈福而福至，無求而不應，有感以皆通。課誦諸品仙經及群真寶誥，故淨口淨心淨身而有咒，安天安地安神而有章，皆有次序，更無躐等。雖是隨堂之功課，實爲祝國祚之大猷，朝夕誦念，晝夜忘疲，直候三千功滿，作百斤圓，方是出家之上事，大丈夫之道德也，是爲序。

凡誦經者切須齋戒，嚴整衣冠，誠心定氣，叩齒演音，然后朗誦，慎勿輕慢，交談接語，務在端肅，念念無違，隨願禱祝，自然感應，先念步虛，后誦咒章。

太上玄門早壇功課經

道衆登壇分班序列立三禮后主經吟步虛

澄清韵

琳琅振響，十方肅清，河海靜默，山岳吞烟，萬靈鎮伏，招集群仙，天無氛穢，地無妖塵，冥慧洞清，大量玄玄也。

舉天尊

大羅三寶天尊（三稱）

提綱

靈音到處，滅罪消愆；寶號宣時，扶危救難。將當有開壇，演教之偈，仰勞道衆，隨聲應和。

吊挂

上壇齊舉步虛聲，祝國迎祥竭寸誠。
當日陳情金闕內，今朝香靄玉爐焚。
皇圖鞏固山河壯，帝道遐昌日月明。
萬民瞻仰堯舜日，歲稔豐登樂太平。
香供養常清常靜天尊

大啓請

真心清靜道爲宗，譬波中天寶月同。
淨掃迷雲無點翳，一輪光滿太虛空。
上藥身中神炁精，人人具足匪虧盈。
能知混合回風道，金鼎黃芽日日生。

小啓請

道場衆等，人各恭敬，恭對道前，誦經如法。

八大神咒

淨心神咒

太上臺星，應變無停，驅邪縛魅，保命護身，智慧明淨，心神安寧，三魂永久，魄無喪傾，急急如律令。

淨口神咒

丹朱口神，吐穢除氛，舌神正倫，通命養神，羅千齒神，却邪衛真，喉神虎賁，炁神引津，心神丹元，令我通真，思神煉液，道炁常存，急急如律令。

淨身神咒

靈寶天尊，安慰身形，弟子魂魄，五臟玄冥，青龍白虎，隊仗紛紜，朱雀玄武，侍衛身形，急急如律令。

安土地神咒

元始安鎮，普告萬靈，岳瀆真官，土地祇靈，左社右稷，不得妄驚，回向正道，內外澄清，各安方位，備守壇庭，太上有命，搜捕邪精，護法神王，保衛誦經，皈依大道，元亨利貞，急急如律令。

淨天地解穢神咒

天地自然，穢炁分散，洞中玄虛，晃朗太元，八方威神，使我自然，靈寶符命，普告九天，乾羅答那，洞罡太玄，斬妖縛邪，殺鬼萬千，中山神咒，元始玉文，持誦一遍，却鬼延年，按行五岳，八海知聞，魔王束首，侍衛我軒，凶穢消散，道炁常存，急急如律令。

祝香神咒

道由心學，心假香傳，香焚玉爐，心存帝前，真靈下盼，仙旆臨軒，令臣關告，逕達九天，急急如律令。

金光神咒

天地玄宗，萬炁本根，廣修萬劫，證吾神通，三界內外，惟道獨尊，體有金光，覆映吾身，視之不見，聽之不聞，包羅天地，養育衆生，受持萬遍，身有光明，三界侍衛，五帝司迎，萬神朝禮，役使雷霆，鬼妖喪膽，精怪忘形，內有霹靂，雷神隱名，洞慧交澈，五炁騰騰，金光速現，覆護真人，急急如律令。

開經玄蘊咒

雲篆太虛，浩劫之初，乍遇乍邇，或沉或浮，五方徘徊，一丈之余，天真皇人，按筆乃書，以演洞章，次書靈符，元始下降，真文誕敷，昭昭其有，冥冥其無，沉疴肱自痊，塵勞溺可扶，幽冥將有賴，由是升仙都。

太上老君說常清靜經

老君曰，大道無形，生育天地，大道無情，運行日月，大道無名，長養萬物，吾不知其名，強名曰道，夫道者，有清有濁，有動有靜，天清地濁，天動地靜，男清女濁，男動女靜，降本流末，而生萬物，清者濁之源，動者靜之基，人欲常清靜，天地悉皆歸，夫人神好清，而心擾之，人心好靜，而欲牽之，常欲遣其欲，而心自靜，澄其心而神自清，自然六欲不生，三毒消滅，所以不飭者，爲心未澄，欲未遣也，飭遣之者，內觀其心，心無其心，外觀其形，形無其形，遠觀其物，物無其物，三者既悟，唯見於空，觀空亦空，空無所空，所空既無，無無亦無，無無既無，湛然常寂，寂無所寂，欲豈能生，欲既不生，卽是真靜，

真常應物，真常得性，常應常靜，常清靜矣，如此清靜，漸入真道，既入真道，名為得道，雖名得道，實無所得，為化衆生，名為得道，能悟之者，可傳聖道。

老君曰，上士無爭，下士好爭，上德不德，下德執德，執著之者，不名道德，衆生所以不得真道者，為有妄心，既有妄心，即驚其神，既驚其神，即著萬物，既著萬物，即生貪求，既生貪求，即是煩惱，煩惱妄想，憂苦身心，便遭濁辱，流浪生死，常沉苦海，永失真道，真常之道，悟者自得，得悟道者，常清靜矣。

仙人葛翁曰，吾得真道，曾誦此經萬遍，此經是天人所習，不傳下士，吾昔受之于東華帝君，東華帝君受之于金闕帝君，金闕帝君受之于西王母，西王母皆口口相傳，不記文字，吾今于世，書而錄之，上士悟之，升為天官，中士修之，南宮列仙，下士得之，在世長年，游行三界，升入金門。

左玄真人曰，學道之士，持誦此經者，即得十天善神擁護其神，然后玉符保神，金液煉形，形神俱妙，與道合真。

正一真人曰，人家有此經，悟解之者，災障不干，衆聖護門，神升上界，朝拜高真，功滿德就，相感帝君，誦持不退，身騰紫雲。

太上老君說常清靜經

太上洞玄靈寶升玄消災護命妙經

稽首皈依衆妙道，志心恭敬二玄真。
今運一心心所議，粗識此經經所因。
空色色空無有性，有無無有色空均。
慧風出自天尊力，掃除心界不遺塵。
惟願神光常擁護，證明今日守心人。
今日守心何所證，不失凡身得道身。

爾時，

元始天尊，在七寶林中，五明宮內，與無極聖衆，俱放無極光明，照無極世界，觀無極衆生，受無極苦惱，宛轉世間，輪回生死，漂浪愛河，流吹欲海，沉滯聲色，迷惑有無，無空有空，無色有色，無無有無，有有無有，終始暗昧，不能自明，畢竟迷惑。

天尊告曰：汝等衆生，從不有中有，不無中無，不色中色，不空中空，非有為

有，非無爲無，非色爲色，非空爲空，空卽是空，空無定空，色卽是色，色無定色，卽色是空，卽空是色，若能知空不空，知色不色，名爲照了，始達妙音，識無空法，洞觀無礙，入衆妙門，自然解悟，離諸疑網，不著空見，清靜六根，斷諸邪障，我卽爲汝，說是妙經，名曰護命，濟度衆生，傳教世間，流通讀誦，卽有飛天神王，破邪金剛，護法靈童，救苦真人，金精猛獸，各百億萬衆，俱侍衛是經，隨所擁護，捍厄扶衰，度一切衆生，離諸染著。

爾時，天尊卽說偈曰：

視不見我，聽不得聞，
離種種邊，名爲妙道。

太上洞玄靈寶升玄消災護命妙經

太上靈寶天尊說禳災度厄真經

爾時，

天尊在禪黎國土，與大道真仙，萬萬大千人，諸天尊及諸天龍鬼神盡來集會，受吾約束，世間若有善男子、善女人，或有丰灾月厄、游城赤鼠之厄、天羅地網之厄、命窮算盡之厄、疾病纏綿之厄、落水波濤之厄、虎狼阮蛇之厄、水火盜賊刀兵生產之厄、山林樹木社稷之厄、土石橋梁之厄、毒藥咒詛之厄，惟願令對玉皇天尊、大道真聖懺悔解禳度脫身中灾厄，一一解散，勿爲留難，敕諸天神王，并降聖力道力，承斯經力恩力，漸護弟子受持念誦此經以后，解禳陽九百六之灾，三衰八難、九橫五苦之厄，如求如願，所履平安，出入行藏，所求利益，所願遂心，于是衆等，聞說此經，皆大歡喜，信受奉行。

太上靈寶天尊說禳灾度厄真經

無上玉皇心印妙經

上藥三品，神與炁精，恍恍惚惚，杳杳冥冥，存無守有，頃刻而成，回風混合，百日功靈，默朝上帝，一紀飛升，知者易悟，昧者難行，履踐天光，呼吸育清，出玄入牝，若亡若存，綿綿不絕，固蒂深根，人各有精，精合其神，神合其炁，炁合體真，不得其真，皆是強名，神能入石，神能飛形，入水不溺，入火不焚，神依形生，精依炁盈，不凋不殘，松柏青青，三品一理，妙不可聽，其聚則有，其散則零，七竅相通，竅竅光明，聖日聖月，照耀金庭，一得永得，自然身輕，太和充溢，骨散寒瓊，得丹則靈，不得則傾，丹在身中，非白非青，誦持萬遍，妙理自明。

無上玉皇心印妙經

玉清寶誥

至心皈命禮

三界之上，梵炁彌羅，上極無上，天中之天，郁羅蕭臺，玉山上京，渺渺金闕，森羅淨泓，玄元一炁，混沌之先，寶珠之中，玄之又玄，開明三景，化生諸天，億萬天真，無鞅數衆，旋鬥歷箕，回度五常，巍巍大範，萬道之宗，大羅玉清，虛無自然，至真妙道，元始天尊。

上清寶誥

心至心皈命禮

居上清境，號靈寶君，祖劫化生，九萬九千余梵炁，赤書煥發，六百六十八真文，因混沌赤文而開九霄，紀元洞玉歷而分五劫，天經地緯，巍乎造化之宗，樞陰極陽，卓爾雷霆之祖，大悲大願，大聖大慈，玉宸道君，靈寶天尊。

太清寶誥

至心皈命禮

隨方設教，歷劫度人，為皇者師，帝者師，王者師，假名易號，立天之道，地之道，人之道，隱聖顯凡，總千二百之官君，包萬億重之梵炁，化行今古，著道德凡五千言，主握陰陽，命雷霆用九五數，大悲大願，大聖大慈，太上老君，道德天尊。

彌羅寶誥

至心皈命禮

太上彌羅無上天，妙有玄真境，渺渺紫金闕，太微玉清宮，無極無上聖，廓落發光明，寂寂浩無宗，玄範總十方，湛寂真常道，恢漠大神通，玉皇大天尊，玄穹高上帝。

天皇寶誥

至心皈命禮

紫微宸極，勾陳天宮，九光寶苑之中，五炁玄都之上，體元皇而佐司玄化，總兩極而共理三才，主持兵革之權衡，廣推大德，統禦星辰之纏次，毋失常經，上象巍峨，真元恢漠，大悲大願，大聖大慈，勾陳上宮，天皇大帝。

星主寶誥

志心皈命禮

大羅天闕，紫微星宮，尊居北極之高，位正中天之上，佛號金輪熾盛，道稱玉鬥玄尊，璇璣玉衡齊七政，總天經地緯，日月星宿約四時，行黃道紫垣，萬象宗師，諸天統禦，大悲大願，大聖大慈，萬星教主，無極元皇，中天紫微，北極大帝。

后土寶誥

至心皈命禮

九華玉闕，七寶皇房，承天稟命之期，主陰執陽之柄，道推尊而含弘光大，德敷蓄于柔順利貞，效法昊天，根本育坤元之美，流形品物，生成施母道之仁，岳瀆是依，山川咸仗，大悲大願，大聖大慈，承天效法，后土皇地祇。

南極寶誥

至心皈命禮

高上神霄府，凝神煥照宮，會元始祖炁以分真，應妙道虛無而開化，位乎九霄之上，統理諸天，總乎十極之中，宰制萬化，宣金符而垂光濟苦，施惠澤而覆育兆民，恩溥乾元，仁敷浩劫，大悲大願，大聖大慈，玉清真王南極長生大帝，統天元聖天尊。

北五祖寶誥

志心皈命禮

大道開先，玄元闡化，教垂今古，諡號東華，接漢室之將軍，隱終南而仙契，過化每超于劫運，示現長在于塵寰，啓唐朝之英賢，悟神仙之秘訣，飛劍貨藥，警化無方，金廷丞相之高標，寶印力辭之勇訣，霞裾上陟，南北統宗，天馭挺于人豪，道遍通于四海，發金蓮之七朶，演仙派于十方，長生理被于古今，玄妙天垂于率土，恢弘至道，廣度愚迷，慈悲濟苦，全真祖師：

東華紫府輔元立極大道帝君
正陽開悟傳道垂教帝君
純陽演正警化孚佑帝君
海蟾明悟弘道純佑帝君
重陽全真開化極輔帝君
五祖闡道天尊。

南五祖寶誥

忘心皈命禮

明真正道，行化南天，九皇降迹于天臺，一脉浚通于劉祖，采瓊花之仙異，著悟真之丹書，道付杏林，不日還元之編集，法通鷄足，丹髓復命之書成，真人挺出惠州，信地悟超神俊，刀圭入口，神化無方，施雷雨于掌中，甦生民于世外，德彰南海，獲瓊玉之英標，道遍遐荒，飫法言之靈妙，龍虎羅浮之迹，武夷玉隆之書，過化多方，真文備著，為神仙之首冠，集前代之範模，誓願宏深，慈悲仁聖祖師：

悟真紫陽真人
杏林翠玄真人
道光紫賢真人
泥丸翠虛真人
瓊瑄紫清真人
五祖藏道天尊。

七真寶誥

忘心皈命禮

道先一炁，世顯七真，悟五行不到之言，得九轉還丹之訣，甘泉潤物，變朽回春，金骨仙姿，得四言而契道，漸州變化，坐十載以成真，壁間墨迹之非凡，雪竹月松之姿異，三井有多生之記，一時著顯化之功，磻溪六甲，龍門七載，道功備而名聞時主，丹符錫而掌握神仙，石上談玄，空中飛蓋，元主屢宣而問道，甘霖克日以濟民，早窮易道之言，晚造神仙之訣，卦圖斯演，至道大成，清靜散人，探玄得道，蓬萊仙路，億劫獨持，慈悲濟苦，全真祖師：

丹陽抱一無為普化真君
長真凝神玄靜蘊德真君
長生輔化宗玄明德真君
長春全德神化明應主教真君

玉陽體玄廣慈普度真君
太古廣寧通玄妙極真君
清靜淵真玄虛順化元君
七真演化天尊。

雷祖寶誥（普化寶誥）

至心皈命禮

九天應元府，無上玉清王，化形而滿十方，談道而趺九鳳，三十六天之上，閱寶笈，考瓊書，千五百劫之先，位正真，權大化，手舉金杵如意，宣說玉樞寶經，不順化作微塵，發號疾如風火，以清靜心而弘大願，以智慧力而伏諸魔，總司五雷，運行三界，群生父，萬靈師，大聖大慈，至皇至道，九天應元雷聲普化天尊。

人心多散亂，一念皆純真
欲求無上道，大眾轉天尊

雷聲普化天尊

向來誦經，念念存誠，千真拱聽，萬聖通靈，應元合炁，普化分形，九天有命，三界遵行，消灾懺罪，請福延生，功圓行滿，大道證盟。

邱祖懺悔文

經功浩力不思議
回向十方諸聖衆
願見真心求懺悔
河沙罪障悉消除

懺悔衆等，自從曩劫，乃至今生，假火風地水以成形，戀香味色聲而觸法，貪嗔嫉妒惡口妄言，殺盜邪淫，恣情縱欲，逆辱父母，悖負君師，不敬天地神祇，呵風罵雨，不信罪福因果，昧理欺心，遂致報對升沉，輪回輾轉，受諸苦惱，無有休停，皆由一念之差，障迷自性，妄認六塵之幻，沉溺愛河，今而既獲人身，叨親正教，豈非千生慶幸，一旦遭逢，自合省心，早求度世，若夫似前流蕩，畢竟為迷失本來，一墜冥途，化為異類。

是故思沉淪苦，發清淨心，皈奉聖真，特求懺悔，槩憐愚昧，原赦罪愆，解釋報冤，蠲消魔障，所覬命逢昌運，名注丹臺，際遇真師，親聞至道，精修妙行，增長善芽，盡節玄門，怡神真境，他日運應滅度，自性不致昏迷，涇生十善之

家，能通宿命，還證上乘之道，承侍虛皇尚

願國安民豐，時和歲稔，
願真風丕闡，道化興行，
願凶惡化賢，邪魔歸正，
願兵刑罔措，囹圄空閑，
願沉滯升遷，冤仇和釋，
願參玄學者，入道成真，
願歷劫宗親，俱皆超度，
願歷世師友，同證真常，
願所有眷緣，增崇福慧，
願所傷物命，早生人天，
願絕食酒葷，不相殺害，
願持身端正，不履淫邪，
願悉破慳貪，悉除險峻，
願言無狂妄，行貴真誠，
願弱已饒人，潛忍忿怒，
願慈心下氣，恭敬一切，
願不墮邊夷，不隨邪見，
願結交仙友，棲集清虛，
願智慧開明，神通恢廓，
願廣行方便，普濟群生，
願永斷執迷，咸歸正道，
塵劫有盡，我願無窮。（重）

端望

帝真曲垂濟度皈命禮謝

無上虛皇至真三寶

一者一人有慶，
二者二景齊明，
三者三農樂業，
四者四序和平，
五者五祠鞏固，
六者六合澄清，
七者七星臨照，
八者八節安寧，
九者九泉開泰，

十者十類生成，
十一者福留善信，
十二者大道興行，
一切神光普照，一切衆聖留恩，
一切有情賴善，一切證果成真，
普天均樂，四海同春。

聞經悟道，罪滅福生。（重）

誦經功德，不可思議，諸天諸地轉靈機，皇王壽夭齊。大道慈悲，萬化樂雍熙。
（重）

向來禮念諸功德，全賴慈悲為主盟，
仰瞻仙仗隱空玄，法部真靈常擁護。

每遇朔望加祝壽文

靈官咒

仰啓神威豁落將，都天糾察大靈官，
火車三五大雷公，受命三清降鬼崇，
手執金鞭巡世界，身披金甲顯威靈，
綠靴風帶護身形，雙目火睛耀天地，
頃刻三天朝上帝，須臾九地救生靈，
銀牙鳳嘴將三千，虎首貔貅兵百萬，
走火行風前後衛，穿山破石捉邪精，
祈晴禱雨濟世界，附體圓光通事意，
治病驅邪如電閃，收瘟攝毒伏群魔，
飛騰雲霧遍虛空，號令雷霆轟霹靂，
三界大魔皆拱手，十方外道悉皈依，
我今啓請望來臨，大賜雷威加擁護。
太乙雷神應化天尊

土地咒

經壇土地，神之最靈，升天達地，出幽入冥，爲吾關奏，不得留停，有功之日，
名書上清。

結經偈

向來誦經功德 上奉高真，下保平安，賜福消災，同賴善功，證無上道，一切信禮，志心稱念

常清常靜天尊 不可思議功德。

三皈依

志心皈命禮

無上道寶，當願衆生，常侍天尊，永脫輪回。

無上經寶，當願衆生，生生世世，得聞正法。

無上師寶，當願衆生，學最上乘，不落邪見。

大皈依

四恩三宥，同歸大藏靈文，八難九幽，俱入元始性海，願以此功德，莊嚴無極界，上報四重恩，下濟三途苦，師資與父母，法界同宗親，現存增福壽，過去早超升。

現前清靜衆，各用皈命禮

志心皈命禮

太上（道經師）寶十方諸天九十九億九萬九千十方國土歷劫度人清靜真一不二法門本師教主

十方常住道寶 寶珠說法元始天尊

十方常住經寶 玉宸道君靈寶天尊

十方常住師寶 混元皇帝道德天尊

祝壽文

伏以黃冠羽服，神居雲水之鄉，寶篆仙經，誠答乾坤之德，小心翼翼，大德昭昭，爐焚真香致恭上啓三清道祖，十極高真，萬象森羅，二儀列宿，諸天諸地，諸山諸水，億聖千真，群仙品職，玄門啓教，演派師尊，南宗北派，五祖七真，天下名山洞府，古今得道仙賢，宗壇有禱，無鞅仙靈，是日朝元真宰，當令神員，城隍社令，管界正神，捧香散花金童玉女，值壇功曹符使，傳誠引奏仙官，雲空過注采訪明神，經方主執護法威靈，悉仗真香，普同供養以今奏為中華人民共和國[]省[]縣[]觀焚修弟子[]某 茲者恭逢天運[]年[]月[]日 吉旦良辰，謹率清涼登臨[]寶殿諷誦仙經，稱揚聖號，延奉高真，恭祈景貺，伏願國泰民

安，風調雨順，萬民樂業，五穀豐登，世界永久和平，更祈本觀（庵宮）香火綿達，教法興隆，道衆修真有遇，進道無魔，伏念弟子衆等，爰從前世，迨及今生，或三業以索纏，或六根之沉滯，是非海闊，人我山高，性虧恬淡之純，心昧衝和之粹，五臘三元莫識懺穰之禮，四始十直罔明悔過之儀，匪賴恩光之下映，曷令魔障之永清，與道有緣，度人無量，滔滔源流于仙派，綿綿不墜于真風，再願衆等師資同學，父母宗親，普天黎庶，檀越信民，心地虛明，性天昭朗，劫運可逃而厄難可免，安處塵寰而動與古會，再冀刀兵八難、無辜殺戮、饑饉餓殍、凍餒死亡、離鄉別土、殞于道路、既注超虛無之境，見存享安樂之鄉，仰憑道力，為上良因，志心稱念

玄都萬壽天尊 不可思議功德

太上玄門晚壇功課經

太上玄門功課經序

竊以金書玉笈為入道之門牆，諷經誦咒乃修仙之徑路。得入道之門可以復元始之性，獲修仙之路，得以曉自然之心。是故道者，住叢林焚香火，三千日裏勤功，十二時中無怠，朝夕朝禮聖容，當輸自己之誠，殷勤祝釐國祚，必獲升仙之慶。且夫功課者何為者也？功課者，課功也，課自己之功，修自身之道也。修自身之道者，賴先聖之典也，誦上聖之金書玉誥，明自己之本性真心，非科教不能弘揚大道，非課誦無以保養元和。經之為經，是前聖之心宗，咒之為咒乃古仙之妙法。誦之誠者則經明，行之篤者則法驗，經明則道契于內，法驗則術彰于外，經明法驗兩全，內功外行而俱有，此是住叢林者之規範，升仙者之梯磴。非叢林無以陶熔大衆之德性，非梯磴何以希求出世之真仙？若肯誠心修道，二六時中刻刻提撕，時時檢點，在世端能出世，居塵自可離塵回。出是非之門，直達無為之路，逍遙宇宙，出入虛無，自由自在，無滅無生，方寸不立一塵，妙用直超三際。若此者，了自心一念之誠，出世上三途之苦，履長生之道路，脫苦海之迷津。既無前愆之可懺，亦無后過之可悔，無前愆之可懺者，心正也，無后過之可悔者，意誠也，心正則無惡業，意誠那有灾殃，無惡業則立到天堂，無灾殃則出離地獄，功高宇宙，德契虛皇，禳灾而灾消，祈福而福至，無求而不應，有感以皆通。課誦諸品仙經及群真寶誥，故淨口淨心淨身而有咒，安天安地安神而有章，皆有次序，更無躐等。雖是隨堂之功課，實為祝國祚之大猷，朝夕誦念，晝夜忘疲，直候三千功滿，作百行圓，方是出家之上事，大丈夫之道德也，是為序。

凡誦經者切須齋戒，嚴整衣冠，誠心定氣，叩齒演音，然后朗誦，慎勿輕慢，交談接語，務在端肅，念念無違，隨願禱祝，自然感應，先念步虛，后誦咒章。

太上玄門晚壇功課經

步虛韻

大道洞玄虛，有念無不契。煉質入仙真，遂成金剛體。
超度三界難，地獄五苦解。悉歸太上經，靜念稽首禮。

舉天尊

太乙救苦天尊（三稱）

提綱

靈音到處，滅罪消愆，寶號宣時，扶危救難，將當有諷經，演教之偈，仰勞道衆隨聲應和。

下水船

救苦天尊妙難求，身批霞衣屢劫修。
五色祥雲生足下，九頭獅子導前游。
盂中甘露時常灑，手中楊柳不計秋。
千處尋師千處降，愛河常作渡人舟。
誦經功德不思議，孤魂滯魄早超升。
香供養 十方救苦天尊

大啓請 小啓請

種種無名是苦根，苦根除盡善根存，
但憑慧劍威神力，跳出輪回五苦門，
道以無心度有情，一切方便是修真，
若皈聖智圓通地，便是生天得道人。

開經偈

寂寂至無宗，虛峙劫仞阿，豁落洞玄文，誰測此幽遐，
一入大乘路，孰計丰劫多，不生亦不滅，欲生因蓮花，
超凌三界途，慈心解世羅，真人無上德，世世爲仙家。

太上洞玄靈寶救苦妙經

爾時，救苦天尊，遍滿十方界，常以威神力，救拔諸衆生，得離于迷途，衆生不知覺，如盲見日月，我本太無中，拔離無邊際，慶雲開生門，祥烟塞死戶，初發玄元始，以通祥感機，救一切罪，度一切厄，渺渺超仙源，蕩蕩自然濟，皆承大道力，以伏諸魔精，空中何灼灼，名曰泥丸仙，紫雲覆黃老，是名三寶君，還將上天炁，以制九天魂，救苦諸妙神，善見救苦時，天上混無分，天炁歸一身，皆成自然人，自然有別體，本在空洞中，空洞迹非迹，遍體皆虛空，第一委炁立，第二順炁生，第三成萬法，第四生光明，天上三十六，地下三十六，太玄無邊際，妙哉大洞經，皈命太上尊，能消一切罪。

東方玉寶皇上天尊，
南方玄真萬福天尊，
西方太妙至極天尊，
北方玄上玉辰天尊，
東北方度仙上聖天尊，
東南方好生度命天尊，
西南方太靈虛皇天尊，
西北方無量太華天尊，
上方玉虛明皇天尊，
下方真皇洞神天尊。

道言，十方諸天尊，其數如沙塵，化形十方界，普濟度天人，委炁聚功德，同聲救罪人，罪人實可哀，我今說妙經，念誦無休息，歸身不暫停，天堂享大福，地獄無苦聲，火翳成清暑，劍樹化爲騫，上登朱陵府，下入開光門，超度三界難，逕上元始天，于是飛天神王，無鞅數衆，瞻仰尊顏，而作頌曰：

天尊說經教，接引于浮生，
勤修學無爲，悟真道自成，
不迷亦不荒，無我亦無名，
朗誦罪福句，萬遍心垢清。

爾時，

飛天神王，及諸天仙衆，說是頌畢，稽首天尊，奉辭而退。

太上洞玄靈寶救苦妙經

元始天尊說生天得道真經

爾時，

元始天尊在大羅天上，玉京山中，為諸天仙衆，說此生天得道真經，告諸仙曰，吾今為汝，略啓身心，明宣道要，十方得道神仙，皆從此經修行，而通微奧，善男子、善女人，依憑齋戒，作是津梁，一切有為，顯諸真路，體此法相，乃可受持，飭屏衆緣，永除染著，外想不入，內想不出，于正念中，乃得五髒清涼，六腑調泰，三百六十骨節之間，有諸滯礙，十惡之業，百八十煩惱之業，衆苦罪源，悉皆除蕩，即引太和真炁，注潤身田，五髒六腑，心目內觀，真炁所有，清淨光明，虛白朗耀，杳杳冥冥，內外無事，昏昏默默，正達無為，古今常存，總持靜念，從茲解悟，道力資扶，法藥相助，仍節飲食，驅遣鬼尸，安寂六根，靜照八識，空其五蘊，證妙三元，得道成真，自然升度，爾時，諸天仙衆，上白天尊言，自從無始以來，至于今日，未聞如是，大乘經典，我等緣茲幸會，廣及一切，道果圓明，而說偈曰：

杳杳冥冥清靜道，昏昏默默太虛縱，
體性湛然無所住，色心都寂一真宗。

元始天尊說生天得道真經

太上道君說解冤拔罪妙經

爾時，

太上道君，與諸聖衆，在八騫林下，七寶臺中，羅列威儀，敷陳道要，怡神默坐，于玉京山，放七寶光明，照福堂地獄，見福堂之內，男女善人，快樂無為，逍遙自在，復見諸地獄之中，餓鬼窮魂，以日繼夜，受種種苦惱，悉無人形，五體壞爛，饑餐猛火，渴飲熔銅，足履刀山，身負鐵杖，遍體流血，悲號澈天，是時，會中有一真人，名曰廣信，從座而起，稽首前進，上白

道君曰，不審此輩窮魂，生有何咎，而受茲苦，

道君曰，受諸罪者，在世之時，不敬三光，欺負神理，十惡五逆，不忠不仁，不慈不孝，毀傷物命，殺害衆生，福盡壽終，當受斯苦，是時，廣信真人，心生哀憫，欲其濟拔，幸望妙力威光，許令開度，伏蒙

道君，垂賜金言，廣設法要，為諸衆生，演說是經，名曰解冤拔罪，流布于世，利益存亡，若有善男子、善女人，一心專志，入靜持齋，焚香行道，六時轉念是經，吾當隨願，保佑其人，使宿世冤仇，乘福超度，幽魂苦爽，各獲超升，真人廣信，歡喜再拜，爾見縷勝因，而作頌曰：

偉哉大道君，常普無量功，

舟楫生死海，濟度超羅酆，
罪對不復遇，福報與冥通，
用神安可測，贊之焉能窮。

是時廣信真人，與諸聖衆，聞法將畢，各各稽首皈依，信受奉行。

太上道君說解冤拔罪妙經

鬥姥寶誥

至心皈命禮

西天竺國，大智光中，真空妙相法王師，無上玄元天母主，金光燦處，日月潛輝，寶杵旋時，鬼神失色，顯靈踪于塵世，漸聖駕于閭浮，衆生有難若稱名，大士尋聲來救苦，大悲大願，大聖大慈，聖德巨光天后，摩利支天大聖，先天鬥姥天尊。

三官寶誥

至心皈命禮

唯三聖人，乃一太極，普受浩劫家之命，鼎膺無量品之褒，紫微清虛洞陰，總領功過，賜福赦罪解厄，普濟存亡，道冠諸天，恩覃三界，大悲大願，大聖大慈，三元三品，三官大帝，三官九府，應感天尊。

玄天寶誥

志心皈命禮

混元六天，傳法教主，修真悟道，濟度群迷，普爲衆生，消除災障，八十二化，三教祖師，大慈大悲，救苦救難，三元都總管，九天游奕使，佐天罡北極，右垣大將軍，鎮天助順，真武靈應，福應祈慶，仁慈正烈，協運真君，治世福神，玉虛師相，玄天上帝，金闕化身，蕩魔天尊。

祖天師寶誥

至心皈命禮

本來南土，上泝蜀都，先獲黃帝九鼎之丹書，后事老君兩度于玉局，千軸得修行之要，一時成吐納之功，法籙全成，受盟威品而結璘訣，正邪兩辨，奪福庭

治而化咸泉，漉就大丹，道齊七政，大悲大願，大聖大慈，三天扶教，輔元體道，大法天師，雷霆都省，泰玄上相，都天大法主，正一衝玄神化靜應顯佑真君，六合無窮高明大帝，降魔護道天尊。

呂祖寶誥

至心皈命禮

玉清內相，金闕選仙，化身為三教之師，掌法判五雷之令，黃梁夢覺，忘世上之功名，寶劍光輝，掃人間之妖怪，四生六道，有感必孚，三界十方，無求不應，黃鶴樓頭留聖迹，玉清殿內煉丹砂，存道像于岩祠，顯仙踪于雲洞，闡法門之香火，理玄嗣之梯航，大悲大願，大聖大慈，開山啓教，靈應祖師，天雷上相，靈寶真人，純陽演政警化孚佑帝君，興行妙道天尊。

邱祖寶誥

志心皈命禮

隱顯莫測，抱道無窮，腹養黃芽，鼎飛白雪，體靜潛而藏天地，心寂默而轉乾坤，妙奪陰陽，玄超無極，授金丹之至訣，普度后人，演嗣系之傳，衍玄裔萬世，全真教主，浩漉恩師，大悲大願，大惠大仁，祖師長春，妙道開玄，宏道真人，廣援普度天尊。

薩祖寶誥

至心皈命禮

派流西地，迹顯龍興，施財合藥濟群生，積行纍功修至道，受鐵師之教旨，掌玉府之雷書，身披百衲伏魔衣，手執五明降鬼扇，代天宣化，咒棗書符，運風雷于咫尺之間，剪妖魔于鬥罡之下，道參太極，位列先天，松筠野鶴任縱橫，遐邇孤雲常自在，方方闡教，為萬法之宗師，處處開壇，作后人之模範，都天宗主，一元無上薩公真君。

王靈官寶誥

志心皈命禮

先天主將，一炁神君，都天糾罰大靈官，三界無私猛吏將，金睛朱發，號三五火車雷公，鳳嘴銀牙，統百萬貔貅神將，飛騰雲霧，號令雷霆，降雨開晴，驅邪治病，觀過錯于一十二事，受命玉帝，積功勛于百千萬種，誓佐祖師，至剛

至勇，濟死濟生，方方闡教，處處開壇，豁落猛吏，三五火車，太乙雷神應化天尊。

救苦寶誥

至心皈命禮

青華長樂界，東極妙嚴宮，七寶芳騫林，九色蓮花座，萬真環拱內，百億瑞光中，玉清靈寶尊，應化玄元始，浩劫垂慈濟，大千甘露門，妙道真身，紫金瑞相，隨機赴感，誓願無邊，大聖大慈，大悲大願，十方化號，普渡衆生，億億劫中，度人無量，尋聲赴感，太乙救苦天尊青玄上帝。

欲消一切罪，悉皈大慈仁，
欲免三途苦，稱念救苦尊。

太乙救苦天尊

中堂贊

青華妙嚴，慈相億千，身居長樂，金座金蓮，慧光無礙，照諸幽泉，甘露流潤，遍灑空玄，枯骸朽骨，咸得光鮮，拔度沉溺，不滯寒淵。上請天官解天厄，地官解地厄，水官解水厄，五帝解五方厄，四聖解四時厄，南宸解本命厄，北鬥解一切厄。于是七元君，大聖善通靈，濟度諸厄難，超出苦衆生，若有急告者，持誦保安平，盡憑生百福，咸契于五行，三魂得安健，邪魅不舛停，五方降真炁，萬福自來駢，長生超八難，皆由奉七星，生生身自在，世世保神清，善似光中影，應如穀裏聲，三元神共護，萬聖眼同明，無灾亦無障，永保道心寧。

報恩誥

志心皈命禮

玄元應化，武曲分真，垂念我等衆生，有相脫生，父母懷胎十月，乳哺三年，辛苦百千，殷勤寸念，憐我父母，日漸衰朽，我今持念平等，悉滅險峻貪嗔，禮帝爲師，祈恩報本，願我現在父母，福壽增延，過去宗祖，早得超升，大聖大慈，大仁大孝，八十二化，報恩教主，佑聖真武，治世福神，玉虛師相，玄天上帝，金闕化身，終劫濟苦天尊。

十二願

一願風調雨順，

二願五穀豐登，
三願皇王萬歲，
四願國土清平，
五願民安物阜，
六願福壽康寧，
七願災消禍散，
八願水火無侵，
九願聰明智慧，
十願學道成真，
十一願諸神擁護，
十二願亡者超升，
一切飛禽走獸，一切蜚蠊蛇蟲，
一切冤家債主，一切男女孤魂。

四生六道，一切寒林，

聞經聽法，早得超升。（重）

小贊

青華教主，太乙慈尊，玉清應化顯金身，大千甘露門，接引群生，永出愛河津
（重）。

願滅三障諸煩惱，
願得智慧心明了。
普願災障悉消除，
世世常行無上道。
四恩三有均利益，
十洲三島任逍遙，
回向四府衆龍神，
禮謝道經師三寶，
向來誦經福無邊，
風調雨順民安樂，
願以此功德，普及于一切。
誦經保平安，消災增福壽。

經壇土地，神之最靈，升天達地，出幽入冥，為吾關奏，不得留停，有功之日，
名書上清。向來誦經功德 上奉高真，下保平安，賜福消災，同賴善功，證無
上道，一切信禮。 志心稱念，太乙救苦天尊。不可思議功德。

三皈依

志心皈命禮

無上道寶，當願衆生，超脫一切，住最上乘。無上經寶，當願衆生，深明經藏，神通莫測。無上師寶，當願衆生，太上授首，成大仙道。

晚皈依

既誦經語，當解經意，各自省心，早求度世，人身不易得，正法最難遇，但念無常苦，各發清淨志，掃除諸妄念，去却貪嗔痴，懺悔往昔非，當求今日是，勇猛生精進，各用皈命禮

志心皈命禮

青華聖境，東極上宮，十方化號度群生，百億光中瞻妙相，九色蓮花作慈航之波岸，一枝楊柳開甘露之法門，九十九萬億同名同號聖，幢幡寶蓋接引導師，大慈大悲，尋聲赴感，（太乙救苦天尊，十方靈寶天尊，隨願注生天尊）。

晚壇功課經終

隨堂施食一宗

道衆轉天尊至寒林所分班序立

符命與通傳，惠光照九泉，

三魂朝上帝，七魄聽靈篇。

十方救苦天尊

東極青華妙嚴宮，紫霧霞光澈太空，

千朵蓮花映寶座，九頭獅子出去中，

南極丹臺開寶笈，北都玄禁破羅豐，

惟願垂光來救苦，衆等稽首禮慈容，

施食功德不思議，孤魂滯魄早起升。

香供養 十方救苦天尊

玉訣應化甘露食，普施河沙衆鬼神，

願皆飽滿舍慳貪，脫化人天生淨界。

汝等鬼神衆，吾今施汝供，

一粒變十方，河沙鬼神用。

常樂天宮不夜春，普施甘露濟群生，

頓息塵埃歸正道，法衆調誦五廚經。

一炁和太和，得一道皆泰，和乃無一和，玄理通玄際，不以意思意，亦不求無思意，而無有思，是法如是持，莫將心緣心，還莫住絕緣，心在莫存心，真則守真淵，修理志離志，積修不離離，志而不修志，己業無己知，諸食炁結炁，非諸久定結，炁歸諸本炁，隨取當隨泄。

奉請變食神王、變食小吏變此法食，遍滿天地，自然天廚食，普及于一切，神魂饑渴者，盡沾甘露味 奉請

東王公、西王母、太乙天尊降甘露，三天無量食，充滿法界中，濟汝饑渴者，清淨無量身，饑虛生飽滿，熱惱得清涼，一切饑渴者，同登極樂界。

志心皈命禮

青華長樂界，東極妙嚴宮，七寶芳騫林，九色蓮花座，萬真環拱內，百億瑞光中，玉清靈寶尊，應化玄元始，浩劫垂慈濟，大千甘露門，妙道真身，紫金瑞相，隨機赴感，誓願無邊，大聖大慈，大悲大願，十方化號，普度衆生，億億劫中，度人無量，尋聲赴感，太乙救苦天尊青玄上帝。

茫茫酆都中，重重金剛山，靈寶無量光，洞照炎池煩，翻翻五帝駕，飄飄玄上門，游步黃華野，回靈驕樂端，采集飛空景，舊爽多不從，太微回黃旗，無英命靈幡，攝召長夜苦，開度受生魂，

稽首皈依無上（道、經、師）回謝（太乙救苦天尊、十方靈寶尊、道場諸聖衆），

三陽濟煉最上妙緣，承斯聖力普濟群生，伏願風雷銅柱變清涼之淨境，冥泠鑊湯化七寶之瑤池，羅酆山下作蓬萊之閬苑，鐵圍無間成洞府之仙鄉，三塗息苦，八難超升，先亡祖彌、師友宗親，速居快樂之鄉，早登人天之路，修真霞友、聞法善人，悟本性之真元，了玄關之要妙，四恩普報，三有齊資，一切有情，同登道岸志心稱念

太乙救苦天尊

酆都赦罪天尊

十方救苦天尊 不可思議功德 接念

願以此功德普度于一切，法界薦亡靈，皆證無上道 直白

皈依三寶，施食功德，無上夙因，普沾法界 志心稱念

太乙救苦天尊 不可思議功德

供養咒

供養三天教主、清靜法身、滿空聖眾、無量群真，黍米一粒雲厨寶鼎烹為法饌，異香滿空，廣被十方，照臨大眾，法界人天，普同供養志心稱念

香厨妙供天尊 不可思議功德

出食咒

一粒佳穀，一滴清泉，不忍自食，施于幽魂，受吾供者，皆賴道恩，惟道惟靈，覺性長存志心稱念

法食普濟天尊 不可思議功德

入食咒

自然天厨食，吾今與加持，一粒遍十方，河沙共塵迷，饑渴永消滅，食之宴瑤池，今將與幽魂，功德不思議 志心稱念

清涼甘露天尊 不可思議功德

結齋咒

齋供已訖，各發誠心，勇猛精進，證聖成真 忘心稱念

福生無量天尊 不可思議功德

檢閱道藏金蓮正宗七真法派

七真鄉貫

丘祖長春真人，山東登州府栖霞縣人，號龍門派，正月十九日聖誕，七月初九日飛升。

長春全德神化明應真君

道德通玄靜，真常守太清，一陽來復本，合教永圓明，

至理宗誠信，崇高嗣法興，世景榮惟懋，希微行自寧，

未修正仁義，超升雲會登，大妙中黃貴，聖體全用功，

虛空乾坤秀，金木性相逢，山海龍虎交，蓮開現實新，

行滿丹書詔，月盈祥先生，萬古續仙號，三界都是親。

劉祖朗然真人，山東萊州府人，號隨山派，七月二十日聖誕，二月初六日飛升。

長生輔化宗玄明德真君

思道明仁德，全真性復常，景高和禮義，嗣信守忠良，

裕謙賢旅泰，宗友茂惟祥，盛益希誠樸，玄元世永昌，

金本萬古續，智慧保寧光，聖體通三界，廣大演自清，

忘虛空教化，月盈妙中黃，用功悟仙號，丹書現榮陽，

行滿乾坤秀，圓融行相逢，蓮開龍虎詔，超升崇利亨。

譚祖長真真人，河南府洛陽縣人，號南無派，三月初一日聖誕，四月初一日飛

升。

長真凝神玄靜蘊德真君

道本崇真理，玄微至妙仙，立在雲霄上，功成兆有名，
大教明清靜，宏演德惟良，悟元光體性，一志復圓融，
衝壽通旅泰，了然衍望興，中和宗正巧，智慧化全家，
新友聖書詔，煉就寶金丹，裕謙常禮義，慈信滿乾坤，
龍虎廣修現，模照永遐齡，山川千古秀，盛希守忠賢。

馬祖丹陽真人，山東登州府寧海州人，號遇仙派，五月二十日聖誕，十二月二十二日飛升。

丹陽抱一無為普化真君

自元來正志，衝壽成仙丹，忠靖得禮義，了然見朝天，
致虛端篤悟，本理淳全玄，清微通大化，真常合妙言，
崇教和法永，守仁有功夫，恭敬明智慧，聖體立遐齡，
宏應演音信，高復現祥光，誠慈惟黃貴，金木會相逢，
雲升龍虎交，嗣希世用行，榮茂乾坤秀，蓮開衍寶興。

郝祖太古真人，山東萊州府人，號華山派，正月初三日聖誕，十二月三十日飛升。

太古廣寧通玄妙極真君

至一無上道，崇教演全真，衝和德正本，仁義禮智信，
嘉祥宗泰宇，萬理復元亨，清靜通玄化，體性悟誠明，
養素守堅志，虛靈慧業生，希賢遵秘法，慎修保純貞，

敬謹規良善，默功毓秀英，勤能扶世運，積久大丹成，

永建根基厚，仙瀛書盛名，圓滿光華照，雲天慶上升。

王祖玉陽真人，山東登州府文登縣人，號崑山派，三月十八日聖誕，四月二十三日飛升。

玉陽體玄廣慈普度真君

清靜無為道，志誠有性明，金玉功知巧，通此加地仙，

玄衝宗義德，茂演教宏元，中和真法永，智慧保神全，

恭敬成希盛，璞福世康寧，蓮開丹書鑒，廣大復圓融，

旅泰萬古續，常義現榮陽，潔淵威錦量，行滿卯惟祥，

未修空妙瑞，聞言守忠良，虞悟容之回，樸極獻封馥。

孫祖清靜真人，山東登州府寧海州人，號清靜派，正月初五日聖誕，十二月二十九日飛升。

清靜淵真玄虛順化元君

全真通玄理，大道德無為，性合交尸解，只此百工夫，

虛靜明常應，宏仁守至誠，嗣教宗元化，悟本自遐齡，

保命登雲會，妙中演洞清，超升廣智慧，三界永康寧，

長存修萬古，行滿法光明，勤用生利益，金木續乾坤，

丹書祥速現，普照瑞龍鱗，高上神霄太，煉成運相逢。

檢閱道藏金蓮正宗七真法派 終